



«Այբ կրթական հանգույց» հիմնադրամ  
 Երևան 0052, Թբիլիսյան խճ. 11/11  
 Հեռ.՝ +374 60 500 456, +374 94 546 498  
 welcome@aybschool.am  
 www.aybschool.am

|                                |  |                                      |                                       |                                     |
|--------------------------------|--|--------------------------------------|---------------------------------------|-------------------------------------|
| Փաստաթղթի տեսակը               | Կանոնակարգ   |                                      |                                       |                                     |
| Փաստաթղթի անվանումը            | «Այբ կրթական հանգույց» հիմնադրամի հոգաբարձուների խորհրդի 7 /յոթ/ դասային խմբերի ներդասային ընտրությունների |                                      |                                       |                                     |
| Ոլորտային բլոկ                 | Հոգաբարձուների խորհուրդ  |                                      |                                       |                                     |
| Պատասխանատու ստորաբաժանում     | Գլխավոր քարտուղարություն   |                                      |                                       |                                     |
| Դասակարգիչ (classification)    | <input type="checkbox"/> Հանրային  | <input type="checkbox"/> Համայնքային | <input checked="" type="checkbox"/> x | <input type="checkbox"/> Ներքին     |
| Անմիջականորեն առընչվում է      | Հոգաբարձուների խորհուրդ  |                                      |                                       |                                     |
| Հաստատող մարմինը               | ՀԽ   |                                      |                                       |                                     |
| Հաստատման հիմքը / ամսաթիվը     | N ASBT04-1911-C (1009)   |                                      | 10.09.2019                            |                                     |
| Վերանայման պարբերականությունը  | <input checked="" type="checkbox"/> x  | <input type="checkbox"/> Անժամկետ    | <input type="checkbox"/> Տարեկան      | <input type="checkbox"/> Այլ (նշել) |
| Կարգավիճակը                    | <input checked="" type="checkbox"/> x  | <input type="checkbox"/> Գործող      | <input type="checkbox"/> Ուժը կորցրած |                                     |
| Փոփոխության հիմքը/ ամսաթիվը    | N ASBT04-1916-V(1111)  |                                      | 11.11.2019                            |                                     |
| Փոփոխության հիմքը/ ամսաթիվը    | N° ASBT05-2104-C (0605)  |                                      | 06.05.2021թ.                          |                                     |
| Փոփոխության հիմքը/ ամսաթիվը    | N° ASBT05-2110-C (3009)  |                                      | 30.09.2021                            |                                     |
| Փոփոխության հիմքը/ ամսաթիվը    | N° ASBT06-2307-C (2809)  |                                      | 28.09.2023 (տոր խմբագրությամբ)        |                                     |
| Ուժը կորցնելու հիմքը/ ամսաթիվը |  |                                      |                                       |                                     |

### ԿԱՆՈՆԱԿԱՐԳ

«ԱՅԲ ԿՐԹԱԿԱՆ ՀԱՆԳՈՒՅՑ» ՀԻՄՆԱԴՐԱՄԻ ՀՈԳԱԲԱՐՁՈՒՆԵՐԻ  
 ԽՈՐՀՐԴԻ 7 /ՅՈԹ/ ԴԱՍԱՅԻՆ ԽՄԲԵՐԻ ՆԵՐԴԱՍԱՅԻՆ  
 ԸՆՏՐՈՒԹՅՈՒՆՆԵՐԻ

## 1. ԸՆԴՀԱՆՈՒՐ ԴՐՈՒՅԹՆԵՐ

- 1.1 «Այբ կրթական հանգույց» հիմնադրամը (այսուհետև՝ նաև՝ Դպրոց) հանդիսանում է «Այբ» համակարգում<sup>1</sup> ներառված իրավաբանական անձանցից մեկը: Դպրոցի հոգաբարձուների խորհրդի (այսուհետև՝ նաև՝ Հխ) 7 /յոթ/ դասային խմբերի ներդասային ընտրությունների կանոնակարգը (այսուհետև՝ նաև՝ Կանոնակարգ) բխում է Դպրոցի կանոնադրությունից և ընդունվում և հաստատվում է Դպրոցի Հխ-ի կողմից:
- 1.2 Կանոնակարգը կազմվել է Հայաստանի Հանրապետության օրենսդրությանը համապատասխան և հանդիսանում է Դպրոցի Հխ անհատական կազմի ձևավորման վերաբերյալ դրույթներ և Հխ գործունեության կազմակերպման այլ առանձնահատկություններ սահմանող հիմնական փաստաթղթերից մեկը՝ Դպրոցի կանոնադրության հետ մեկտեղ:

## 2. ՀՈԳԱԲԱՐՁՈՒՆԵՐԻ ԽՈՐՀՈՒՐԴ. ՁԵՎԱՎՈՐՄԱՆ ԸՆԴՀԱՆՈՒՐ ԿԱՐԳԸ

- 2.1. Դպրոցի կառավարման բարձրագույն և հսկողություն իրականացնող մարմինը հոգաբարձուների խորհուրդն է (Հխ):
- 2.2. Հխ հերթական կազմի լիազորությունների ժամկետ է սահմանվում 2 /երկու/ տարի՝ հաշվարկված ընտրության տարվա դեկտեմբերի 1-ից: Հխ բոլոր անդամների լիազորությունների ժամկետը դադարում է միաժամանակ:
- 2.3. Հխ անդամի լիազորությունները, որոնք ստանձնվել են Հխ՝ արդեն իսկ ձևավորված կազմում, դադարում են հոգաբարձուների այդ խորհրդի լիազորությունների դադարմամբ /ավարտմամբ:
- 2.4. Դպրոցի հոգաբարձուների խորհուրդը բաղկացած է առավելագույնը 12 /տասներկու/ անդամից, որոնք ընտրվում են յոթ դասային խմբերից և հաստատվում Հխ գործող անդամների ընդհանուր թվի ձայների պարզ մեծամասնությամբ:
- 2.5. Հխ անդամները ձայների պարզ մեծամասնությամբ իրենց կազմից ընտրում են Դպրոցի հոգաբարձուների խորհրդի նախագահին: Հխ-ն կարող է ցանկացած ժամանակ վերընտրել նախագահին կամ ընտրել նոր նախագահ՝ իր անդամների ընդհանուր թվի ձայների մեծամասնությամբ:
- 2.6. Հխ անդամի լիազորությունը դադարելու դեպքում նրա փոխարեն նոր անդամ նշանակվում է Հխ գործող կազմի կողմից միևնույն դասային խմբից՝ ոչ ուշ, քան հոգաբարձուների խորհրդի անդամի թափուր տեղ առաջանալու մասին գործադիր տնօրենի ծանուցումն ստանալու օրվանից՝ 30 /երեսուն/ օրվա ընթացքում:

---

<sup>1</sup> «Այբ» համակարգը (այսուհետև՝ նաև՝ Համակարգ) «Այբ» կրթական հիմնադրամի հետ փոխկապակցված և/կամ «Այբ» կրթական հիմնադրամի Հոգաբարձուների խորհրդի կողմից Համակարգում ընդգրկված այնպիսի իրավաբանական անձանց համախումբ է, որոնց հիմնական նպատակը կրթական, մշակութային, բարեգործական, սոցիալական զարգացման ծրագրերի շուրջ համագործակցությունն է:

Սույն փաստաթղթի ընդունման պահին «Այբ» համակարգի իրավաբանական անձինք երեքն են՝ «Այբ» կրթական հիմնադրամ, «Այբ կրթական հանգույց» հիմնադրամ, «Դիլիջանի կենտրոնական դպրոց» կրթական հիմնադրամ, նվիրատվությունների գումարային հաշվարկի համար դիտարկվում են նաև «Ինքնություն և արժեքներ» հարթակի զարգացման և ընդլայնման համար արված նվիրատվությունները (այս հարթակը կայանում է «Այբ» համակարգի իրավաբանական անձանց անմիջական ներգրավվածությամբ և մարդկային ներուժով):

«Այբ» համակարգի իրավաբանական անձանց ցանկն ըստ անհրաժեշտության կարող է թարմացվել «Այբ» կրթական հիմնադրամի Հոգաբարձուների խորհրդի որոշմամբ:

2.7. Հիւ անդամի թափուր տեղ առաջանալու մասին տեղեկացված լինելու օրվանից ոչ ուշ, քան 10 /տասը/ օրվա ընթացքում Դպրոցի գործադիր տնօրենը տեղեկացնում է հոգաբարձուների խորհրդի անդամներին և/կամ անդամին նշանակած անձանց կամ մարմիններին և/կամ Դպրոցի այլ մարմիններին՝ տվյալ դասային խմբի թեկնածու/ներ առաջադրելու մասին:

2.8. Հիւ նիստերին խորհրդակցական ձայնով և/կամ միայն մասնակցության իրավունքով ընտրվող անձանց և/կամ մարմինների հարցի որոշումը վերապահված է բացառապես Հիւ-ին՝ ձայների պարզ մեծամասնությամբ:

2.9. Հիւ նիստերը և գործունեությունը արդյունավետ կազմակերպելու և վարելու համար Հիւ կողմից ձայների պարզ մեծամասնությամբ կարող է հաստատվել Աշխատանքային գործունեության կանոնակարգ, որը հստակ կսահմանի յուրաքանչյուր որոշվող հարցի մանրամասները, ինչպես նաև ժամկետներն ու կարգը:

### **3. Հիւ ԱՆՀԱՏԱԿԱՆ ԿԱԶՄԸ ԵՎ Հիւ ԱՆԴԱՄՆԵՐԻՆ ԱՌԱՋԱԴՐՎՈՂ ՉԱՓԱՆԻՇՆԵՐԸ. Հիւ 7 /ՅՈԹ/ ԴԱՍԱՅԻՆ ԽՄԲԵՐԻ ՆԵՐԴԱՍԱՅԻՆ ԸՆՏՐՈՒԹՅՈՒՆՆԵՐԻ ԿԱՐԳԸ**

3.1. Հոգաբարձուների խորհրդի անհատական կազմի ձևավորման գործընթացում թեկնածուներն ընտրվում և հաստատվում են հետևյալ 7 /յոթ/ դասային խմբերին համապատասխանելու հիմքով, ընդ որում, դասային խմբերի հիման վրա Հիւ նոր կազմը իրավագոր է ընտրության տարվա դեկտեմբերի 1-ից (Հիւ նոր կազմի գործողության սկիզբ).

3.1.1. Ռազմավարական բարերար /առավելագույնը Հիւ-ի 2 անդամի ներգրավվածություն/<sup>2</sup>,

3.1.2. Խոշոր հովանավոր /առավելագույնը Հիւ-ի 2 անդամի ներգրավվածություն՝ ֆինանսական միջոցների ներգրավման խոստմամբ/,

3.1.3. Հիմնական բարերար /առավելագույնը Հիւ-ի 3 անդամի ներգրավվածություն/՝ ֆինանսական միջոցների ներգրավման խոստմամբ,

3.1.4. Շարունակական բարերար /առավելագույնը Հիւ-ի 2 անդամի ներգրավվածություն/,

3.1.5. Ռազմավար /առավելագույնը Հիւ-ի 1 անդամի ներգրավվածություն/,

3.1.6. «Այբ» դպրոցի շրջանավարտ /առավելագույնը Հիւ-ի 1 անդամի ներգրավվածություն/,

3.1.7. Ուսուցիչների խմբի կողմից ընտրված ներկայացուցիչ /առավելագույնը Հիւ-ի 1 անդամի ներգրավվածություն/:

3.2. Կանոնակարգի 3.1. կետում նշված բնութագրերին համապատասխանող անձինք իրավունք ունեն որպես քվեարկող մասնակցելու Հիւ-ի բոլոր այն դասային խմբերի ընտրություններին, որոնց սույն կարգի դրույթների համաձայն համապատասխանում են: Սույն կանոնակարգի 3.17., 3.18., 3.19., 3.20. կետերով սահմանված դասային խմբերում որպես թեկնածու առաջադրվելու ցանկության դեպքում՝ յուրաքանչյուր դասային խմբի համար սահմանված չափանիշներին համապատասխանող անդամները սեփական նախաձեռնությամբ (իրենց կողմից համապատասխան Էլեկտրոնային նամակով հաստատմամբ) կամ այդ խմբի այլ անդամ(ներ)ի

<sup>2</sup> Սույն կանոնակարգի 3.1.1, 3.1.2, 3.1.3, 3.1.4 կետերում սահմանված դասային խմբերում ընդգրկված իրավաբանական անձինք Հիւ ձևավորման գործընթացում և հետագա գործունեության ընթացքում հանդես են գալիս իրենց կողմից նշանակված ներկայացուցչի միջոցով:

կողմից առաջադրվելու պարագայում և Դպրոցի Հիւ-ի կողմից հաստատման առկայության դեպքում ընդգրկվում են տվյալ դասային խմբի թեկնածուների կազմում:

**3.3.** Եթե Հիւ-ի կազմում առաջադրված թեկնածուն միաժամանակ բավարարում է մեկ կամ ավելի դասային խմբին ներկայացվող պահանջներին, ապա նա կարող է որպես քվեարկող մասնակցել դասային յուրաքանչյուր խմբի կազմում, սակայն որպես թեկնածու առաջադրվել միայն մեկ դասային խմբում՝ իր նախընտրությամբ:

**3.4.** Յուրաքանչյուր դասային խմբերի շրջանակներում քվեարկության մասնակիցների վերջնական կազմը հաստատվում է Հիւ կողմից:

**3.5.** Հիւ անդամ չեն կարող ընտրվել Դպրոցի տնօրենները և Մանկավարժական խորհրդի անդամները : Դպրոցի այլ աշխատողները (օրինակ՝ ուսուցիչներ) կարող են ընտրվել Հիւ անդամ:

**3.6.** Հիւ ձևավորման գործընթացը սկսելու մասին Էլեկտրոնային փոստով տեղեկացվում է համայնքը և բոլոր դասային խմբերի շրջանակներում պոտենցիալ քվեարկողները: Ընդ որում, սույն կանոնակարգի 3.17., 3.18, 3.19., 3.20. կետերով սահմանված դասային խմբերում քվեարկելու իրավունք ունեցող անդամներին Դպրոցի կողմից սահմանված ժամկետներում ուղարկվում են իրենց կողմից նախորդ երկու տարիների ընթացքում կատարված նվիրատվությունների<sup>3</sup> անհատական պատմություններ՝ նվիրատվության չափի նշմամբ<sup>4</sup> (ռազմավարական բարերարը՝ գործունեության ամբողջ ընթացքի համար): Գործընթացն առավել ոլորին և բարերարների համայնքի համար ընկալելի դարձնելու նպատակով ցանկալի է գործընթացի այս փուլը համադրել «Այբ» կրթական հիմնադրամի հոգաբարձուների խորհրդի ձևավորման նույն փուլի հետ՝ պոտենցիալ քվեարկողներին ներկայացնելով ամփոփ միասնական տեղեկատվություն «Այբ» կրթական հիմնադրամի և Դպրոցի Հիւ ձևավորման վերաբերյալ:

**3.7.** Գործընթացի մեկնարկին Դպրոցի պաշտոնական կայքէջում հրապարակվում են Հիւ ձևավորման սույն կանոնակարգը, ինչպես նաև Հիւ անդամների կողմից ստորագրման ենթակա Էթիկայի կանոնները:

**3.8.** Բարերար/հովանավորը<sup>5</sup> Դպրոցի կողմից նվիրատվության չափի մասին տեղեկատվության ստացումից հետո 5-օրյա ժամկետում հաստատում է իր նվիրատվությունների չափը կամ հայտնում է իր անհամաձայնության մասին: 5-օրյա ժամկետում չարձագանքելը

---

<sup>3</sup> Սույն կանոնակարգի շրջանակում նվիրատվությունը կարող է մեկնաբանվել որպես նվիրատվություն, նվիրաբերություն, ինչպես նաև այլ ձևով անհատույց փոխանցման փաստ՝ բացառապես դրամական և բնաիրային արտահայտությամբ: Սույն կետի իմաստով չեն ներառվում ստացված դրամաշնորհները:

<sup>4</sup> Դպրոցը 3.17, 3.189, 3.19, 3.20 դասային խմբերում նշված յուրաքանչյուր հովանավորի/բարերարի տեղեկացնում է սահմանված ժամանակահատվածի համար նվիրատվության չափի մասին: Նվիրատվության չափի վերաբերյալ առարկություններ ունենալու դեպքում քվեարկողը կրում է անհամապատասխանությունը շտկելու նպատակով անհրաժեշտ ապացույցներ հավաքելու և ներկայացնելու ռիսկը, որի հիման վրա թեկնածությունը հաստատելու և կամ որպես քվեարկող նշանակելու հարցի վերջնական լուծումը վերապահվում է Դպրոցի Հիւ-ին:

<sup>5</sup> Բարերար/հովանավոր եզրույթը կարող է նշանակել նաև համատեղ կյանք վարող ամուսիններից որևէ մեկը՝ անկախ նվիրատվությունը որևէ մեկի անունով կատարելու հանգամանքից, եթե բարերարը գրավոր ցանկություն է հայտնում , որպեսզի իր կիևը կամ ամուսինը նույնականացվի իր հետ և կրի համահավասար, նույնաբովանդակ իրավունքներ և պարտականություններ: Նրանցից որևէ մեկը կարող է սույն կանոնակարգով սահմանված բոլոր դասային խմբերում հանդես գալ որպես քվեարկող: Տվյալ սահմանմանը համապատասխանող բարերար կիևը և ամուսինը իրենց ցանկության և Դպրոցի Հիւ ընտրությունները կազմակերպող պատասխանատուին տեղեկացնելու դեպքում ընտրություններում հանդես են գալիս որպես մեկ միավոր, ունեն մեկ ձայն, իսկ առաջադրվելու դեպքում հստակ նշում են, թե իրենցից ո՛վ է լինելու Հիւ անդամի թեկնածու: Դպրոցն իր կոմունիկացիաներում նշում է բարերար կնոջը և ամուսնուն միասին, եթե բարերարները չեն հայտնում իրենց գրավոր առարկությունն այդ հարցում:

մեկնաբանվում է որպես նվիրատվության գումարի չափի հաստատում բարերարի կողմից: Բարերարի կողմից կատարված ցանկացած նվիրատվությունն ընդունելիս պետք է առկա լինի այն տվյալ բարերարի հետ նույնականացնելու գործիքակազմ<sup>6</sup> դրանով իսկ ապահովելով հստակ տեղեկատվություն փոխանցված գումարի չափի, նպատակի վերաբերյալ:

**3.9.** Որպես քվեարկող հանդես գալու և դիմումների լրացման ժամկետը սահմանվում է Դպրոցի կողմից պոտենցիալ քվեարկողների էլփոստի հասցեներին ծանուցում ուղարկելու միջոցով, որի մեջ հստակ սահմանվում են նաև թեկնածություն առաջադրելու ժամկետներն ու կարգը, որոնք չեն կարող գերազանցել ընտրությունների համար նախատեսված ժամկետները: Բարերարի լրացուցիչ հաստատումն անհրաժեշտ է միայն տվյալ դասային խմբում որպես թեկնածու ներգրավվելու համար :

**3.10.** Դպրոցի կողմից հաստատված ժամկետներում «Ռազմավարական բարերար», «Հիմնական բարերար» և «Շարունակական բարերար» դասային խմբերի պոտենցիալ քվեարկողներին հնարավորություն է տրվում հաստատելու իրենց անհատական պատմություններում նշված նվիրատվությունների ընդհանուր չափը կամ լրացնելու այդ խմբում որպես քվեարկող ընդգրկվելու համար պակասող գումարը (արտարժույթով փոխանցում կատարելու դեպքում գումարային հաշվարկը կատարվում է՝ հիմք ընդունելով լրացուցիչ նվիրատվության գումարի՝ Դպրոցի հաշվին մուտքագրման օրվա համար ՀՀ ԿԲ կողմից հայտարարված տարադրամի փոխարժեքը):

**3.11.** Դասային խմբերի քվեարկողների ցանկերը հաստատելուց հետո Հես-ն յուրաքանչյուր դասային խմբին տեղեկացնում է տվյալ դասային խմբի անդամների կազմը:

**3.12.** Յուրաքանչյուր դասային խմբում (բացի «Ռազմավար» և «Այբ դպրոցի շրջանավարտ» դասային խմբերից) թեկնածուները կարող են ինքնաառաջադրվել կամ առաջադրվել համապատասխան դասային խմբի որևէ քվեարկողի կողմից:

**3.13.** Հես անդամի յուրաքանչյուր թեկնածու ծանոթանում է Կանոնակարգով սահմանված դրույթներին Դպրոցի կայքից կամ իրեն էլեկտրոնային փոստով Դպրոցի կողմից ուղարկված պաշտոնական ծանուցումից:

**3.14.** Դասային խմբում ընդգրկված անձինք ազատ են իրենց հարմար ձևաչափով կազմակերպել ներխմբային քննարկումներ՝ առաջադրվող թեկնածուների՝ Դպրոցի զարգացման տեսլականին ծանոթացման և այլ նմանատիպ հարցերի շուրջ: Դասային խմբերի նախաձեռնությամբ այդ քննարկումներին կարող են մասնակցել Դպրոցի ներկայացուցիչները: Ընտրության օրերը և մեկնարկին նախորդող օրը լռության օրեր են:

**3.15.** Դպրոցը «Ռազմավարական բարերար», «Խոշոր հովանավոր», «Հիմնական բարերար» և «Շարունակական բարերար» դասերի համար կազմակերպում է ներդասային

---

<sup>6</sup> Նույնականացման գործիքակազմ եզրույթ ասելով՝ դիտարկվում են.

- էլեկտրոնային ձևաչափով լրացված նվիրատվության փոխանցման ձևաթուղթը,
- բանկային փոխանցման անդորրագիրը, որը հստակ տեղեկատվություն է պարունակում նվիրատվության նպատակի, այն փոխանցողի վերաբերյալ,
- ՀՀ քաղաքացիական օրենսգրքի դրույթների համաձայն կնքված նվիրատվության պայմանագիրը,
- գրավոր նամակ-գրությունը նվիրաբերություն կատարելու խոստման կամ փաստացի կատարված նվիրատվության մասին,
- այլ ձևաչափեր, որոնց դեպքում նվիրատվությունն անող անձի և նվիրատվության նպատակի նույնականացումը հնարավոր է:

առանձին ընտրություններ՝ ռեյտինգային կարգով, թեկնածուներին ուղարկված ծանուցումներում հստակ սահմանված ժամկետներում (տե՛ս 3.16 կետ):

**3.16.** Ռեյտինգային կարգով ընտրության գործընթացը հետևյալն է. բոլոր քվեարկողներն ունեն այնքան ձայն, որքան տեղեր են նախատեսված այդ դասային խմբի համար Հև կազմում և բաշխում են իրենց ձայները տարբեր թեկնածուների միջև՝ յուրաքանչյուր թեկնածուին ոչ ավել, քան մեկ ձայն համամասնությամբ: Հաղթող են ճանաչվում առավելագույն ձայներ հավաքած թեկնածուները: Ռեյտինգային ընտրությունը միափուլ է, փակ: Միևնույն դասի շրջանակներում հավասար ձայներ հավաքած թեկնածուների միջև կազմակերպվում է վիճակահանություն<sup>7</sup>:

**3.17.** Դպրոցը «Ուսուցիչների խմբի կողմից առաջադրված ներկայացուցիչ» դասային խմբի համար կազմակերպում է երկփուլ ընտրություններ, որոնց հիման վրա էլ հրապարակվում են դրանց արդյունքները:

**3.17.1.** «Այբ» դպրոցի շրջանավարտ» դասային խմբի համար ներկայացուցիչ նշանակվում է ««Այբ» դպրոցի շրջանավարտների ակումբ» հասարակական կազմակերպության տվյալ պահին գործող նախագահը:

**3.18.** Երկփուլ ընտրությունների առաջին փուլում յուրաքանչյուր քվեարկող իր նախընտրությունները բաշխում է առավելագույնը երեք թեկնածուի միջև՝ բալային համակարգով: Բալային համակարգում առաջին նախընտրելի թեկնածուին տրվում է «10» բալ, երկրորդ նախընտրելիին՝ «8» բալ, երրորդ նախընտրելիին՝ «6» բալ: Երկրորդ փուլ են անցնում առաջին փուլում առավելագույն բալեր հավաքած երկու թեկնածուն: Հավասար բալեր հավաքած թեկնածուների միջև կազմակերպվում է վիճակահանություն (տե՛ս Ծանոթագրություն 6): Երկրորդ փուլում յուրաքանչյուր քվեարկող իր միակ ձայնը տալիս է երկու թեկնածուներից մեկին: Հաղթող է ճանաչվում առավելագույն ձայներ հավաքած թեկնածուն: Հավասար ձայներ հավաքելու դեպքում կազմակերպվում է վիճակահանություն տե՛ս Ծանոթագրություն 6): **Եթե թեկնածուների քանակը երկուս է կամ պակաս, ապա անմիջապես իրականացվում է ընտրության երկրորդ փուլը:**

**3.19.** Ռեյտինգային և երկփուլ ներդասային ընտրությունների ավարտից հետո Դպրոցն ամփոփում է արդյունքները և տեղեկացնում դրանց մասին յուրաքանչյուր դասի շրջանակներում առաջադրված բոլոր թեկնածուներին և գործող Հև-ին:

**3.20.** Յուրաքանչյուր ընտրված թեկնածու գրավոր ընդունում է Դպրոցի Հև կողմից վավերացված Էթիկայի կանոնների բոլոր դրույթները՝ ստորագրելով դրանց՝ իրեն հանձնված օրինակի ստորին հատվածում:

**3.21.** Գործող Հև-ն հաստատում է նոր Հև կազմը՝ հիմք ընդունելով ընտրությունների արդյունքները, թեկնածուի կողմից ստորագրված Էթիկայի կանոնները, ինչպես նաև ֆինանսական միջոցների ներգրավման խոստում ունեցող դասային խմբերից ընտրված անդամների կողմից ստորագրված նվիրատվության պայմանագրերը:

**3.22.** Սույն կանոնակարգով չկարգավորվող կամ տարածայնություններ առաջացնող հարցերի վերաբերյալ որոշում կայացնելու իրավունքը վերապահված է Դպրոցի Հև-ին:

<sup>7</sup> Թեկնածուները հրավիրվում են առցանց կամ առկա հանդիպման, մի քանի անկախ ներկայացուցիչների կողմից թեկնածուների անունները գրվում են թղթերի վրա, փակվում, ապա վիճակահանությամբ դուրս է բերվում թեկնածուի անունը: (3.20 և 3.20.1 կետերը փոփոխվել են 30.09.2021թ.)

3.23. Սույն կանոնակարգի 3-րդ գլխով սահմանված ընթացակարգերը գործելու են նաև Հիս յուրաքանչյուր հաջորդ ընտրությունների դեպքում, ընդ որում, համապատասխան ընթացակարգերի ժամկետները կսահմանվեն Դպրոցի Հիս կողմից՝ սույն կանոնակարգի 3.27 կետի տրամաբանությամբ և յուրաքանչյուր փուլի համար սահմանված ժամկետների և փուլերի հերթականության պահպանմամբ:

3.24. Սույն կանոնակարգի հիման վրա Հիս հերթական կազմերի ձևավորման ժամանակացույց:

| Ժամկետ  | Գործողություն  |
|---|--|
| Մինչև տվյալ տարվա <sup>8</sup> հոկտեմբերի 01-ը                  | Գործընթացի մեկնարկի մասին տեղեկացում համայնքին   |
| Մինչև տվյալ տարվա հոկտեմբերի 6-ը                                | Հաստատումների կամ առարկությունների ստացման վերջնաժամկետ  |
| Մինչև տվյալ տարվա հոկտեմբերի 9-ից 20-ը ընկած ժամանակահատվածում  | Ցուցակների ճշգրտման աշխատանքներ  |
| Մինչև տվյալ տարվա հոկտեմբերի 21-ը                               | Դպրոցի Հիս կողմից յուրաքանչյուր դասային խմբում քվեարկողների ցանկերի հաստատում և հրապարակում տվյալ դասի քվեարկողների շրջանում |
| Մինչև տվյալ տարվա հոկտեմբերի 22-ից 27-ը ընկած ժամանակահատվածում | Թեկնածուների առաջադրում կամ ինքնաառաջադրում  |
| Մինչև տվյալ տարվա հոկտեմբերի 28-ից 30-ը ընկած ժամանակահատվածում | Առաջադրված թեկնածուների համաձայնության/ինքնաբացարկի ստացում  |
| Մինչև տվյալ տարվա նոյեմբերի 1-ը                                 | Ըստ առանձին դասային խմբերի թեկնածուների ցանկերի հրապարակում տվյալ դասի քվեարկողների շրջանում                                 |
| Մինչև տվյալ տարվա նոյեմբերի 1-ից 9-ը ընկած ժամանակահատվածում    | Ներդասային քննարկումներ  |
| Մինչև տվյալ տարվա նոյեմբերի 11-ից 18-ը ընկած ժամանակահատվածում  | Ներդասային քվեարկություններ /ընտրություն/  |
| Մինչև տվյալ տարվա նոյեմբերի 18-ից 22-ը ընկած ժամանակահատվածում  | Քվեարկության արդյունքների ամփոփում   |
| Մինչև տվյալ տարվա նոյեմբերի 22-ը                                | Քվեարկության արդյունքների ներկայացում Հիս-ին և քվեարկողներին   |

<sup>8</sup> «Տվյալ տարի» եզրույթը մեկնաբանվում է որպես Հիս կազմի լիազորությունների ավարտի և հերթական կազմի ձևավորման տարի:

|  |   |
|--|---|
| Մինչև տվյալ տարվա նոյեմբերի 23-ից 28-ը ընկած ժամանակահատվածում | Գործող Հև կողմից նոր Հև կազմի հաստատում   |
| Մինչև տվյալ տարվա նոյեմբերի 23-ից 28-ը ընկած ժամանակահատվածում | Հև-ի կազմի հաստատման մասին տեղեկացում Հև-ի ձևավորման գործընթացի բոլոր մասնակիցներին |
| Մինչև տվյալ տարվա դեկտեմբերի 1-ը                               | Նոր կազմավորված Հև-ն սկսում է իր աշխատանքը  |

### 3.25. Ռազմավարական բարերար.

3.25.1. Հև կազմում որպես ռազմավարական բարերար առաջադրվելու համար՝ «Այբ» համակարգի իրավաբանական անձանց վերջիններիս հիմնադրման պահից կատարած նվիրատվությունների ընդհանուր գումարը պետք է գերազանցի 1.000.000 /մեկ միլիոն/ ԱՄՆ դոլարը (գումարային հաշվարկը կատարվում է՝ հիմք ընդունելով գումարի՝ հաշիվների մուտքագրման օրվա համար ՀՀ ԿԲ կողմից հայտարարված տարադրամի փոխարժեքը)<sup>9</sup>:

3.25.2. Սույն կանոնակարգի հիման վրա Հև ընտրություններից հետո՝ Հև կազմի յուրաքանչյուր հաջորդ ընտրությունների դրությամբ (յուրաքանչյուր 2 /երկու/ տարին մեկ անգամ), եթե տվյալ բարերարի կողմից «Այբ» համակարգի իրավաբանական անձանց կատարած նվիրատվությունները գերազանցում են 1.000.000 (մեկ միլիոն) ԱՄՆ դոլարը, ապա տվյալ բարերարն ընդգրկվում է տվյալ դասային խմբի քվեարկողների կազմում:

### 3.26. Խոշոր հովանավոր.

3.26.1. Հև-ի «խոշոր հովանավոր» դասային խմբում որպես քվեարկող ընդգրկվելու համար թեկնածուները պարտավորվում են համապատասխան ընտրությամբ ձևավորվող Հև-ի գործունեության երկու տարվա ընթացքում «Այբ» համակարգի իրավաբանական անձանց՝ կանոնադրական նպատակների կամ «Այբ» դպրոցի համար, նվիրատվություն անել ոչ պակաս, քան 60.000 (վաթսուն հազար) ԱՄՆ դոլար (գումարային հաշվարկը կատարվում է՝ հիմք ընդունելով նվիրատվության գումարի՝ հաշիվն մուտքագրման օրվա համար ՀՀ ԿԲ կողմից հայտարարված տարադրամի փոխարժեքը):

3.26.2. Տվյալ դասային խմբում յուրաքանչյուր անդամի ընդգրկվելու վերաբերյալ Հև-ն կայացնում է անհատական որոշում: Նվիրատվության պարտավորությունն ստանձնելու կամ կատարելու փաստը անհրաժեշտ, բայց ոչ բավարար պայման է խմբում ընդգրկվելու համար: Այս հարցով Հև-ի որոշումը պարզաբանման և մեկնաբանության ենթակա չէ:

3.26.3. Կանոնակարգի 3.29.1. կետով սահմանված պարտավորությունը ամրագրվում է Դպրոցի և որպես խոշոր հովանավոր դասային խմբի անդամի միջև կնքվող գրավոր պայմանագրով, որի հիման վրա սահմանված տարեկան վճարումներն իրականացվում են Հև յուրաքանչյուր աշխատանքային տարվա առաջին եռամսյակի ընթացքում: Ընդ որում, նվիրատվության ֆինանսական աղբյուրը չպետք է լինի վարկային և/կամ փոխառու միջոց՝

<sup>9</sup> Հաշվարկի այս սկզբունքը վերաբերում է կանոնակարգով սահմանված բոլոր դասային խմբերի համար դիտարկվող նվիրատվություններին:



թե՛ Դպրոցի, թե՛ խոշոր հովանավորի համար, և միջոցները պետք է ուղղվեն Դպրոցի կանոնադրական նպատակների իրականացմանը<sup>10</sup>:

### **3.27. Հիմնական բարերար՝ ֆինանսական միջոցների ներգրավման խոստմամբ.**

3.27.1. Հիս կազմում հիմնական բարերար՝ ֆինանսական միջոցների ներգրավման խոստմամբ (այսուհետև նաև՝ հիմնական բարերար) դասային խմբում որպես քվեարկող ընդգրկվելու համար տվյալ անձի՝ «Այբ» համակարգի իրավաբանական անձանց կատարած նվիրատվությունների ընդհանուր գումարը որպես քվեարկող ընդգրկվելու պահին պետք է նախորդող 2 (երկու) տարվա համար կազմի նվազագույնը 12.000 (տասներկու հազար) ԱՄՆ դոլար (գումարային հաշվարկը կատարվում է՝ հիմք ընդունելով նվիրատվության գումարի՝ հաշիվների և մուտքագրման օրվա համար ՀՀ ԿԲ կողմից հայտարարված տարադրամի փոխարժեքը):

3.27.2. Սույն կանոնակարգի ուժի մեջ մտնելու տարեսկզբից՝ հիմնական բարերար դասային խմբում ընդգրկվելու համար հիմք են ընդունվելու «Այբ» համակարգի իրավաբանական անձանց արված նվիրատվությունները (տե՛ս նաև Ծանոթություն 1)<sup>11</sup>:

3.27.3. Հիմնական բարերար դասային խմբում իրենց անդամությունը պահպանելու համար անդամները պետք է շարունակեն նվիրատվություններ կատարել «Այբ» համակարգի կառույցներին, երկու տարվա համար նվազագույնը 15.000 /տասնհինգ հազար/ ԱՄՆ դոլարի չափով:

### **3.28. Շարունակական բարերար.**

3.28.1. Հիս կազմում շարունակական բարերար դասային խմբում որպես քվեարկող ընդգրկվելու համար տվյալ անձի՝ «Այբ» համակարգի իրավաբանական անձանց արված նվիրատվությունների ընդհանուր գումարը այս խմբում որպես քվեարկող ընդգրկվելու պահին պետք է ընտրությանը նախորդող 2 (երկու) տարի ժամանակահատվածի համար կազմի նվազագույնը 4.000 /չորս հազար/ ԱՄՆ դոլար (գումարային հաշվարկը կատարվում է՝ հիմք ընդունելով նվիրատվության գումարի՝ հաշիվներին մուտքագրման օրվա համար ՀՀ ԿԲ կողմից հայտարարված տարադրամի փոխարժեքը):

3.28.2. Շարունակական բարերար դասային խմբում իրենց անդամությունը պահպանելու համար անդամները պետք է շարունակեն նվիրատվություններ կատարել «Այբ» համակարգի իրավաբանական անձանց՝ երկու տարվա համար նվազագույնը 5.000 /հինգ հազար/ ԱՄՆ դոլարի չափով:

### **3.29. Ռազմավար.**

3.29.1. Հիս կազմում որպես ռազմավար ընտրվելու համար՝ թեկնածուները առաջադրվում և ընտրվում են նորընտիր Հիս-ի կողմից՝ Հիս-ի ձևավորումից հետո՝ երկու ամսվա ընթացքում:

3.29.2. Հիս կազմում որպես ռազմավար առաջադրվելու համար՝ թեկնածուն պետք է ունենա առնվազն 5 /հինգ/ տարվա աշխատանքային փորձ կրթության ոլորտում և ծառայեցնի այդ փորձը Դպրոցի զարգացման գործին:

3.29.3. Հիս կազմում որպես ռազմավար առաջադրվելու համար՝ թեկնածուն պետք է ունենա Դպրոցի զարգացման հստակ տեսլական, լինի մոտիվացված և կրթության զարգացմամբ ոգեշնչված անձնավորություն:

<sup>10</sup> Սույն կետով սահմանված կարգավորումները տարածվում են նաև այն բոլոր դասային խմբերի անդամների հետ կապված իրավահարաբերությունները կարգավորելիս, ովքեր ունեն ֆինանսական միջոցների ներգրավման խոստում:

<sup>11</sup> Սույն կետը տարածվում է նաև սույն կանոնակարգով սահմանված շարունակական բարերար դասային խմբի շրջանակներում:

3.29.4. Հն ռազմավարի լիազորությունները դադարում են գործող Հն լիազորությունների դադարման հետ միաժամանակ:

**3.30. «Այբ» դպրոցի շրջանավարտ.**

3.30.1. Հն կազմում ««Այբ» դպրոցի շրջանավարտ» դասային խմբի ներկայացուցիչ անդամի լիազորությունները ի պաշտոնե ստանձնում է ««Այբ» դպրոցի շրջանավարտների ակումբ» ՀԿ-ի նախագահը:

**3.31. Ուսուցիչների խմբի կողմից ընտրված ներկայացուցիչ.**

3.34.1. Որպես ուսուցիչների խմբի քվեարկողներ կարող են ընդգրկվել ընտրության պահին «Այբ» դպրոցի (տարրական, միջին, ավագ) ուսուցիչները, նախագծային ուսումնառության ակումբների ղեկավարները, դասղեկները, դասարանների պատասխանատուները:

3.34.2. Հն կազմում որպես ուսուցիչների խմբի կողմից ընտրված ներկայացուցիչ Դպրոցի ուսուցիչների կողմից առաջադրվելու համար՝ անձը պետք է հանդիսանա Դպրոցի (տարրական, միջին, ավագ) գործող ուսուցիչ կամ կրթության ոլորտում ունենա առնվազն տասը տարվա աշխատանքային փորձ:

(3.29.1, 3.30.3 և 3.31.2 կետերն փոփոխվել են 06.05.2021թ.): (3.33.1 կետը փոփոխվել է 30.09.2021թ.)

**4. ԵԶՐԱՓՈՒԿԻՉ ԴՐՈՒՅԹՆԵՐ**

**4.1.** «Այբ կրթական հանգույց» հիմնադրամի հոգաբարձուների խորհրդի 7 /յոթ/ դասային խմբերի ներդասային ընտրությունների կանոնակարգը հաստատվում է Դպրոցի Հն կողմից: Դրա հետագա փոփոխությունները կատարվում են Դպրոցի Հն որոշմամբ:

**4.2.** Կանոնակարգի դասային խմբերից յուրաքանչյուրով առաջադրվող թեկնածուն տեղեկացված է առ այն, որ և՛ որպես քվեարկող, և՛ որպես թեկնածու առաջադրման/դիմումի ժամկետները խախտելը հանգեցնում է համապատասխան ցուցակում չընդգրմանը, որը ենթակա չէ բողոքարկման:

**4.3.** Կանոնակարգով չկարգավորված հարցերը լուծվում են Դպրոցի կանոնադրությանը և Դպրոցի հոգաբարձուների խորհրդի որոշումների համաձայն:

**4.4.** Կանոնակարգով և Էթիկայի կանոններով սահմանված դրույթները և պարտականությունները Հն անդամի կողմից խախտելը կարող է հանգեցնել Հն տվյալ անդամի հեռացմանը Հն կազմից: